



PROGRAMA DE MOBILIDADE – LLP/ERASMUS - SMS

CONVOCATORIA DO CURSO 2013-2014

As Ensinanzas Superiores de Deseño participan en distintos programas internacionais para mellorar a formación dos estudantes mediante a realización de estadias en institucións de educación superior ou empresas europeas.

Obxectivos

O obxectivo desta convocatoria é a selección dos beneficiarios para a súa participación no curso 2013/2014 nos programas de mobilidade Erasmus con Fins de Estudos (Programa de Aprendizaxe Permanente).

Requisitos da convocatoria

Xeral:

Alumnos das Ensinanzas Artísticas Superiores de Deseño con 100 créditos ECTS superados no momento de realizar a solicitude. O alumnado seleccionado cursará no 1º semestre do curso 2013-2014 os 30 créditos ECTS correspondentes ás materias optativas do 4º curso. Polo tanto, será un requisito para a concesión da mobilidade que o alumno/a poida matricularse de ditas materias.

Específicos:

- Posuír a nacionalidade dun dos países participantes no Programa Erasmus ou estar recoñecido polo país onde reside como refuxiado, apátrida ou residente permanente.
- Non ter participado con anterioridade nunha estadia de mobilidade Erasmus con fins de estudos.
- Esta norma aplícase independentemente de ter realizado unha estadia con ou sen axuda.

Idiomas: requisitos

Os candidatos seleccionados deben acreditar documentalmente, antes da súa saída, os coñecementos de idiomas segundo a lingua utilizada polo centro de acollida.

Niveis de acreditación:

- Alemán, italiano, francés. O nivel elemental A1.
- Portugués. Non é necesario acreditar nivel.
- En todos os demais casos o nivel será o B1 do inglés.

No caso de non poder acreditar o nivel de idioma, a Escola poderá realizar unha proba de nivel.

Advertese que, independentemente do nivel de coñecemento de idioma esixido, o centro de destino poderá impor os seus propios requisitos neste respecto, que serán de aplicación preferente.



Centros de destino

As estadias deberán realizarse nunha institución de educación superior coa que exista un convenio para a mobilidade asinado para o curso 2013/14. O número de prazas e destinos varía cada ano e é diferente para cada centro. A oferta de prazas para este curso para mobilidade Erasmus de estudos (SMS) son:

- Deseño de Produto:

INSTITUCIÓN		Duración	Prazas
ECOLE SUPERIEURE DES ARTS SAINT-LUC DE LIEGE B LIEGE07 www.saintluc-liege.be	Liège, Bélxica	1º semestre 4,50 meses	2
ACCADEMIA DI BELLE ARTI DI BRERA - MILANO I MILANO08 www.accademiadibrera.milano.it	Milán, Italia	1º semestre 4,50 meses	1

- Deseño de Moda:

INSTITUCIÓN		Duración	Prazas
ACCADEMIA DI BELLE ARTI DI BRERA - MILANO I MILANO08 www.accademiadibrera.milano.it	Milán, Italia	1º semestre 4,50 meses	1
IADE – Instituto de Artes Visuais Design e Marketing P LISBOA46 www.iade.pt	Lisboa, Portugal	1º semestre 4,50 meses	2

Estadias: duración

As estadias terán unha duración semestral.

Axudas: contías

O estudante recibirá unha axuda financiada pola Comisión Europea; o importe desta axuda definirase pola OAPEE no momento da firma coa Escola do convenio financeiro Erasmus para o curso 2013/2014. Estas bolsas son compatibles con calquera outra complementaria aos mesmos efectos.

A axuda é para contribuír a sufragar os gastos adicionais aos que ten o alumno/a aquí, e na maioría dos casos non cubre a totalidade dos custos dos estudos no estranxeiro.

O candidato seleccionado pode renunciar libremente a esta axuda.

Solicitud e documentación

O/a solicitante deberá presentar a seguinte documentación:

- Formulario de solicitude impreso e asinado dispoñible na Secretaría da Escola. Os destinos solicítanse por orde de preferencia entre as prazas ofertadas para as Ensinanzas Superiores de Deseño de cada especialidade.
- Certificado de expediente académico no que conste a nota media do expediente (nota media de acordo coas normas establecidas na Orde o 30 de setembro de 2010(DOG do 8 de outubro). Non se terán en conta as disciplinas nas que non conste cualificación numérica.
- Documentación acreditativa de coñecementos de idiomas ou doutros méritos que se quixeran facer valer.
- Fotocopia da matrícula no terceiro curso das Ensinanzas Superiores de Deseño.
- Un C.V. en formato europeo cunha foto (o idioma de redacción será o do centro de destino ou inglés).

Lugar e prazo de presentación das solicitudes

As solicitudes presentaranse na Secretaría da Escola.

A data límite é o 7 de marzo de 2013, ás 14:00h.



Craterios de selección e puntuación

Os solicitantes recibirán unha puntuación ente 0 e 10 puntos, dos cales:

1. Un máximo de 7 puntos corresponderase coa nota media do expediente académico
2. Un máximo de 2,5 puntos corresponderase co coñecemento do idioma do país de destino*
3. Un máximo de 0,5 puntos corresponderase con outros méritos.

*Cualificarase segundo a seguinte táboa, a partir da escala do MCERL, por cada lingua na que acredite a competencia lingüística:

Inglés ou idioma no que se imparten as clases na Institución de destino:				
A1	A2	B1	B2	C1, C2
0,5	1	1,5	2	2,5
Outro idioma estranxeiro:				
A1	A2	B1	B2	C1, C2
0,25	0,5	0,75	1	1,25

Terán preferencia os solicitantes que non se beneficiasen previamente dunha estadía de intercambio no estranxeiro.

Resolución

1. A proposta de adjudicación de prazas por parte da Comisión incluírá as listaxes de suplentes e solicitudes excluídas, xunto co motivo da exclusión. Farase pública no taboleiro de anuncios do centro.
2. Contra a proposta de selección e a listaxe de suplentes poderase presentar reclamación mediante instancia dirixida á presidencia da Comisión de Selección do centro no prazo de dous días desde a publicación.
3. Transcorrido o prazo de reclamacións e logo de se resolveren, a proposta definitiva de selección e a listaxe de suplentes publicaranse no taboleiro de anuncios do centro e na páxina web. A secretaría da dita comisión enviará a proposta definitiva de selección á dirección do centro.
4. A proposta definitiva de selección do/a estudante suporá a aprobación provisional polo centro do compromiso de estudos, pendente da realización da matrícula en tempo e forma, e da posible superación dunha proba de nivel de idioma, de quedar condicionada, así como de cumprir o estudante os requisitos de acceso ao 4º curso das ensinanzas.
5. A adjudicación definitiva da axuda dependerá da aceptación do/a estudante por parte do centro de destino.

Aceptación e renuncia

Unha vez publicadas as listaxes definitivas, os seleccionados deberán formalizar a aceptación ou renuncia do destino adjudicado presentando o modelo Anexo, e sempre antes do prazo límite requirido polo centro de destino. As persoas que non presentaren a súa aceptación ou renuncia decaerán dos seus dereitos e ocuparán o seu lugar as posibles persoas suplentes.

Recoñecementos académico

Os créditos cursados terán pleno recoñecemento académico, dentro do máximo de créditos ECTS que se cursen na Institución de Orixe nese período de estudos.
Este recoñecemento se denegará se o estudante non acada o nivel esixido no Centro de Destino ou non cumpre os prazos e termos acordados.

Pagamentos das axudas

Para recibir a axuda, o/a bolseiro/a deberá asinar un convenio financeiro antes da súa incorporación ao centro de destino.

O pagamento farase en dúas fases:

- 80% da axuda pagarase cando se reciba o certificado de chegada ao centro de destino debidamente asinado e selado.
- 20% restante pagarase ao finalizar a estadía, logo de se presentar o certificado ORIXINAL de fin de estadía e o informe de experiencia do estudante dentro do prazo establecido.



Seguros

É responsabilidade de bolseiro tramitar a Tarxeta sanitaria europea ou subscribir ao seu cargo un seguro para cubrir as continxencias no país de destino.
Os alumnos cuxos pais sexan beneficiarios da Seguridade Social deben dirixirse as oficinas do INSS para solicitar o formulario E-128 ou E-m. Os asegurados en mutuas ou seguros privados deben dirixirse a elas para obter a cobertura médica no estranxeiro
A EASD Mestre Mateo non será responsable dos danos ocasionados e débedas contraídas polo estudante durante o período da súa bolsa.

Obrigas dos bolseiros e contratos

Logo de aceptar a bolsa, o/a estudante comprométese a:

Antes da partida:

- Aboar as taxas de matrícula e o seguro escolar na EASD Mestre Mateo, de Santiago de Compostela.
- Contactar coa Coordinadora de Programas Internacionais da Escola para recibir información sobre o centro de destino e cubrir o *Learning Agreement* correspondente. Os acordos de estudos teñen un máximo de créditos de 30 ECTS por semestre.
- Presentar a *Application Form* que esixa cada Escola de destino en tempo e forma.
- Realizar un Portfolio e/ou unha presentación en CD dos seus traballos co visto e prace do Xefe/a do Departamento das Ensinazas Artísticas Superiores de Deseño correspondente.
- Redactar, se é o caso, a "carta de motivación" na que se expoñan as razóns da elección da Institución seleccionada.
- Asinar por duplicado o Convenio, esixido pola Axencia nacional, onde se recollen as obrigas das partes na administración de fondos comunitarios
- Acreditar a vixencia dos Seguros antes da súa viaxe.

Durante a estadía no centro de destino:

- Na primeira semana desde a incorporación no destino, debe remitir por fax ou correo electrónico a Certificación de Chegada debidamente asinada e selada e os datos de contacto durante a estadía no estranxeiro.
- Manter o contacto directo periódico co/a coordinador/a académico a través do enderezo electrónico.
- Permanecer no destino ata o final do período previsto e realizar os estudos, presentarse aos exames para os que se lle adxudica a axuda e someterse ás normas do centro de destino en canto aos requisitos de conduta.

Finalizado o período de mobilidade na Institución de destino:

No prazo máximo dun mes tras finalizar a estadía, achegarlle á Coordinadora de Programas Internacionais:

- documento orixinal de "Certificado de Estadía"
- informe final PAP/ Erasmus

Contrato de estudos (**LEARNING AGREEMENT**)

As modificacións que, con respecto ás materias acordadas, fose necesario introducir, se indicarán no apartado *CHANGES TO ORIGINAL LEARNING AGREEMENT (to be filled in ONLY if appropriate)*. Estes cambios serán autorizados, cas correspondentes sinaturas, polas persoas indicadas no formulario. O prazo límite para a rectificación das materias seleccionadas será dun mes, desde a chegada ao centro de destino.

Incumprimentos

- As renuncias que se producen fóra do prazo establecido e sen xustificación serán motivo de exclusión en posteriores convocatorias e obrigarán á devolución do importe da axuda recibida.
- No caso de non acreditar a presentación aos exames mediante as cualificacións correspondentes, o estudante terá que devolver o importe da axuda recibida e será motivo de exclusión en posteriores convocatorias.



Calendario da convocatoria: Prazos

Publicación da convocatoria	25/02/2013
Límite de presentación de solicitudes	07/03/2013
Publicación das listaxes provisorias de selección	20/03/2013
Prazo de reclamacións	22/03/2013
Prazo de resolución das reclamacións	26/03/2013
Envío das listaxes finais de seleccionados e suplentes	27/03/2013

Comisión de selección

- Xefe de estudos, ou persoa en quen delegue, que a preside.
- A Coordinadora de Programas Internacionais, que fai a labor de secretario.
- O/a Xefe do Departamento das Ensinanzas Superiores de Deseño da especialidade, ou a persoa en quen delegue.
- Un profesor/a da especialidade.

Santiago de Compostela, 25 de febreiro de 2013



ANEXO I: SOLICITUDE DE PARTICIPACIÓN

ANEXO I: SOLICITUDE DE PARTICIPACIÓN – PAP/ERASMUS - SMS
TIPO DE MOBILIDADE SOLICITADA:
PERÍODO DE SOLICITUDE:
DATOS PERSOAIS Apelidos Nome DNI Correo electrónico
DOMICILIO FAMILIAR Dirección: C.P.: Poboación: Teléfono: DOMICILIO DURANTE O CURSO Dirección: C.P.: Poboación: Teléfono:
DATOS ACADÉMICOS Titulación que cursa: Materias pendentes doutros cursos: Coñecemento de Idiomas Idioma: Certificado que aporta: Idioma: Certificado que aporta: Idioma: Certificado que aporta:
INSTITUCIÓN DE DESTINO (é necesario indicar a orde de preferencia) 1. 2.
<input type="checkbox"/> Declaro que non recibín con anterioridade unha bolsa Erasmus da mesma modalidade que solicito
<input type="checkbox"/> Declaro que non participei anteriormente nunha mobilidade Erasmus da mesma modalidade que solicito
<input type="checkbox"/> Estou disposto a realizar unha estancia Erasmus sen axuda económica
Asdo.:O/A Solicitante Santiago de Compostela, __ de ____ de 20__

ANEXO II: ACEPTACIÓN/RENUNCIA Á BOLSA DE MOBILIDADE CON FINS DE ESTUDOS

ANEXO II: ACEPTACIÓN/RENUNCIA Á BOLSA DE MOBILIDADE CON FINS DE ESTUDOS
Quen abaixo asina declara que coñece, cumpre e acepta as condicións da bolsa, e comprométese a cumprir os termos do contrato de estudos asinado
<input type="checkbox"/> Acepto a bolsa de mobilidade con fins de estudos para o curso académico 2013/14, concedida para ir a:
<input type="checkbox"/> Renuncio á bolsa de mobilidade con fins de estudos para o curso académico 2013/14, concedida para ir a Motivo da renuncia:
Santiago de Compostela,de de 2013 ASINADO Nome e apelidos: DNI: